



Qhdaà Yagılı  
Git'aràt'à  
Neèt'à Yenagets'it'ı  
Dałets'ıřa Naxixè  
Haweèt'e-le

**1-866-223-7775**

haanı-le dè naxı kòta  
kw'ahtı ts'ò gahde



Northwest  
Territories Justice

## “Qhdaà Dawets'ìra” ts'edi ayii aweets'edi?

Qhdaà yagìlì dagets'ìra dè, qhk'èa gikwò k'e deht'è wegaat'ì-le haani-le dè gikw'ò sù naate-le. Qhk'èa giat'ì hò somba gha dagoghra haani-le dè gìqhdaà nezi k'egedi-le. Qhk'èa qhdaà dets'adi ha geèke-le, giot'ì eyits'ò giàgja ghò gogende ha giwò-le. Giit'à t'à agòt'e nee giwò, gighò eneègehjò haani-le dè gits'ò edàgoòt'ì ghò gogende ha giwò-le.

Qhdaà yagìlì gít'aràt'à neèt'à yenagets'it'ì. Gixè hoti hoòrò xè esagedech'aà nezi gixè hoòrò ha.

Qhdaà dats'ɪhʔa wenaawo kaʔa ƙɔ gohɪ  
Daʔets'ɪʔa dè, gokwò k'e deht'è wegaàt'ɪ,  
haanikò mɔhdaà wegaàt'ɪ-le. Dii haani  
aweèt's'edi:

- **Gokwòyaàʔɪ:** nɪ haani-le dè neèt'ɪ  
wekwòyaàʔɪ;
- **Gonii tsehwhi:** nɪ haani-le dè neèt'ɪ eèhɪɪ,  
nets'ɔ asii tseèwhi haani-le dè ats'ɔ nexè  
gots'edi ayiiwhɔ;
- **Edàani dexèts'eèdi t'à dagòeʔa:** ats'ɔ dɔne  
neʔàʔa-le wets'eèdi dè edeghɔ nezɪ deèdi-le  
ade ha;
- **Sɔmba t'à dagòeʔa:** nɪ haani-le dè neèt'ɪ  
ghɔ sɔmba yiihchi haani-le dè asii neghɔ  
yiihchi;
- **T'ala nexè k'ehoòwo-le:** nɪ eyits'ɔ neèt'ɪ  
t'aani k'eade ha naàwhɔ aniiwhɔ-le; eyits'ɔ
- **Gots'ò ehkw'ɪ-le eghàlada:** nɪ haneèwɔ-le  
hò, ehkw'ɪ-le nets'ò eghàlahòda xè asii  
mɔhdaà hanele haànewɔ-le hò hanehʔɪ.

## Qhdaà dats'ih?a weghọ ayì edàneèle ha?

Nì haani-le dè dọne weghọneètọ dawèèra dè, amee see nezi wets'ò gonede ha dile ts'ò gonede. Dọne ɫadɫ ts'ò gots'ende nindè, ọhk'èa nezi gots'ende. Nets'ọ ts'eko k'aawo xè eghàlagidedọ haani-le dè dọne xè godedọ yagɫɫ nets'àdì ha dile tahkò. Nets'ọ yahtì, nàedik'èzhọ haani-le dè nàedik'èzhọ xè eghàladadọ nets'àdì ha dile. Nets'àwòdì neèwọ hỌnì. Whacho dọne ts'ò gonede ha neèwọ dè **1-866-223-7775** ts'ò gonede. Naɫdì-le hò gits'ò gonede ha dile eyts'ọ, edàani nexòedi ha nɫhtf'è neèke gha nets'àgedì ha dile.

Neyatì k'è dọne ts'ò gonede ha neèwọ dè **1-888-255-1010** ts'ò gonede eyts'ọ neyatì k'è dọne ts'ò gonede ha gɫɫdì. Haani fọ k'e wheneda, sɫaigèa k'àrɫ etaahtì nets'ò gonde ha.

1-866-223-7775 haani-le dè naxì kọta  
kw'ahtì ts'ò gahde

## Hòṭsa esagoòja dè, ɪwhà negha segogele naawo ayì negha hagele ha?

Dɔne gɪṭaʔat'e gɪxè ʔadɪ hoòʔɔ, haanikò  
ɪwhà naɪɪgha segogele naawo 90 dzeɛ̀  
ts'ò nezɪ eyits'ɔ:

- Eyì dɔne danɪɪʔa naàwaàʔa ha dɪle;
- Nekò ɪʔa akɔ n̄aʔade ha dɪle, eyì dɔne  
danɪɪʔa sɪɪ, haàṭʔa agele ha dɪle; eyits'ɔ
- Wet'à esanele ha honɪ goht'ɔ azhɔ  
kw'ahtɪ neyɪɪwa ha waàdɪh ha dɪle.

Dɔsɪnɪyaetidɔ gha eghàladadɔ, dɪɪ ɪwhà  
naɪɪgha segogele naawo seyeèle ha  
dɪle, dɪɪ haanɪ laà gha hoghàweètɔ  
hɔt'e.

Eyì dɔne danɪɪʔa sɪɪ, dɪɪ naawo k'ɪt'e-le  
dè, eyì gha nets'àhodɪ ha dɪle.

## Edàanì naawo degha segots'eh?ị xè ts'eèke?

Ịwhà negha segogele naawo naxịgha seèdle ha nindè, asii dị ts'ò wek'e eghàlada zọ t'à ha. Dii nịht'è edlatị saàdzeè t'ahọ dè sedle ha dile.

1. Naxikòta gots'ọ kw'ahtị ts'ò gahde haani-le dè **1-866-223-7775**, ịwhà naxịgha segogele ha naawo nịht'è segele ha (EPO).
2. Naxikò edàgoòt'ị weghọ hagèadi zọ t'à eyits'ọ edànighọ ịwhà dii nịht'è neèwọ hagidi zọ t'à.
3. Eyii dọne wets'ò goide sii, dọsịniyaetidọ xè eghàlada ts'ò gonde ha, eyii dọne ahsị ịwhà negha segogele ha naawo nịht'è hohfè ha nii diit'à yighọ nàniwo ha. Eyii dọne sii, nets'ò gonde ha nịwọ tahkò.

1-866-223-7775 haani-le dè naxi kòta kw'ahtị ts'ò gahde

4. Eyii sḷsḷnìyaetidḷ xè eghàladadḷ dḷi  
ḷwhà negha segogele ha nḷht'è  
nḷḷchḷ ha dḷi dè, negha hayeèle ha.  
Kw'ahti eyii nḷht'è neghàyeèḷa ha  
eyits'ḷ nḷht'è ḷḷè eyii dḷne daniiḷa sḷi  
yìghàyeèchḷ ha eyits'ḷ nḷ eyits'ḷ  
neèkè esawòch'aà gha nets'adi ha.  
Eyii dḷne daniiḷa sḷi, dḷi naawo k'èè  
enda-le dè, eyi sḷ gha nets'àgedḷ ha  
dḷile.

## Edàgọwha ts'ò dıı ıwhạ gogha segogele naawo nıht'è nezi?

90 dzeẹ ts'ò dıı ıwhạ negha segogele naawo haıwa ts'ò nezi họt'e. Negha nıht'è seèdla t'ahọ̀ dè, dọsıniyàetidọ̀ dıı nıht'è yıghòeda t'à, ahsì ełak'a naxıgha ehkw'ı nıi diit'à naawo ghaàda ha.

Dọsıniyàetidọ̀, deèrọ̀ danexeèke ha nııwọ̀ dè, ełak'a dọghọ̀ neyaetikọ̀ nàtatla nexèèdi ha họqni. Ełak'a, naxixè edàani hoòrọ̀ weghọ̀ wexè gòahdo ha. Dọts'adàedidọ̀ naàwhọ̀-le, haanikò haanı naàwhọ̀ dè, naxi naxits'ò



hòelı. Dɔts'adàedıdɔ dahwhɔ-le dè,  
weghɔ dedaàdìa hɔnı t'à naàgıa łà hò  
nexè ade wııdı.

90 dzè ts'ò ła nexòedi ha neèwɔ dè,  
dɔts'adàedıdɔ wenııt'è t'à dɔghɔ  
nèyaetikò giake ha dıle. Nets'ɔ  
dɔts'adàedıdɔ nets'adı ha dıle. Eyıı  
nıht'è ghaà, eyıı dɔne danııʔa sıı ch'àà  
nexòedi ha dıle eyıts'ɔ eyıı dɔne, dɔne  
ts'ò geode awèłe ha dıle.

## Edàanì dıı ıwhà gogha segogele naawo wegondi wegoòra ha?

ıwhà dọne gha segogele naawo wegondi dahwhọ dè, nexikòta gondi whela họt'e. Naxits'ọ kw'ahti, nàedik'èzhọ xè eghàladadọ eyits'ọ ts'eko k'aawo yagııı dıı gondi gıts'ọ họt'e. Naxikòta "Eełexè gots'ıide" nıht'è dawhela wehaàtah. Dıı nıht'è dawhela dè, dọne nexè gode ha dıle gha whela họt'e eyits'ọ nets'àdı ha.

